




ԷԿՈՒՄԵՆԻԿ

ԿՅԱՆՔ

ԽԱՂԱՂՈՒԹՅԱՆ ՔՐԻՍՏՈՆԵԱԿԱՆ ԿՈՆՖԵՐԱՆՍԻ
ԱՇԽԱՏԱՆՔԱՅԻՆ ԿՈՄԻՏԵԻ ՆՍՏԱՇՐՋԱՆԸ ՄՈՍԿՎԱՅՈՒՄ

Սույն թվականի ապրիլի 2—6 օրերին Մոսկվայում, «Ուկրաինա» հյուրանոցի միստերի դահլիճում, տեղի ունեցավ Խաղաղության քրիստոնեական կոնֆերանսի Աշխատանքային կոմիտեի հերթական նստաշրջանը՝ ուս պրավոսլավ եկեղեցու հրավերով: Ներկա էին հինգ մայրցամաքների շուրջ քսան երկրներից 93 ներկայացուցիչներ, հյուրեր, դիտորդներ, լրագրողներ: Մայր Աթոռի կողմից նստաշրջանին մասնակցում էր Գերագույն հոգևոր խորհրդի անդամ Հովհաննես Թոփուզյանը:

Նստաշրջանը բացվեց Էկումենիկ աղոթքով: Ներկաներին ողջունեց Խաղաղության քրիստոնեական կոնֆերանսի նախագահ, Լեհինգրադի և Նովգորոդի միտրոպոլիտ տ. Նիկողոս արքեպիսկոպոսը: Ռուս պրավոսլավ եկեղեցու արտաքին հարաբերությունների բաժնի նախագահ, Կրուտիցիի և Կոլոմնայի միտրոպոլիտ Յովեմային կարդաց Մոսկվայի և համայն Ռուսաստանի Պատրիարք Ն. Ս. Պիմենի խաղաղության պատգամը՝ ուղղված բոլոր քրիստոնյաներին:

Նստաշրջանի օրակարգում կային բազմաթիվ կարևոր հարցեր: Մեծ հետաքրքրությամբ լսվեց և մտքերի լայն փոխանակության հիմք ծառայեց Սովետական Միության արտաքին գործերի մինիստրության

աշխատակից Յուրի Կ. Նազարկինի զեկուցումը նստաշրջանի գլխավոր թեմայով, այն է՝ «Զինաթափումը համերաշխության լույսի ներքո»: Հանգամանորեն անդրադառնալով զինաթափման սովետա-ամերիկյան բանակցությունների վիճակին և նշտրոնային զենքի դեմ աշխարհով մեկ ծավալված բողոքի ելույթներին, զեկուցողը բարձր գնահատեց կրոնական կազմակերպությունների դերը աշխարհի խաղաղության պահպանման գործում: Ծառախոսները նշեցին, որ զինաթափումը հանդիսանում է համայն աշխարհի խաղաղասեր ուժերի առաջնահերթ խնդիրը, և Խաղաղության քրիստոնեական կոնֆերանսը հույսեր է կապում ՄԱԿ-ի առաջիկա հատուկ նստաշրջանի գումարմանը, որը նվիրվելու է զինաթափման հարցերին:

Նստաշրջանում լսվեցին հաղորդումներ Խաղաղության քրիստոնեական կոնֆերանսի Եվրոպայի, Ասիայի և Աֆրիկայի կազմակերպությունների, նրանց տարբեր կոմիտեների, հանձնաժողովների, եկեղեցականաժողովների անցնող վեց ամսվա գործունեության վերաբերյալ, քննարկվեցին Մերձավոր Արևելքի, Հարավային Աֆրիկայի, Լատինական Ամերիկայի ժողովուրդների սոցիալական, տնտեսական և քաղաքական դրության հետ կապված մի շարք

հրապարակում հարցեր և ընդունվեցին համապատասխան բանաձևեր: Լիբանանի դրությամբ վերաբերող բանաձևում ասված է, որ Մերձավոր Արևելքում խաղաղությունը մերանաստատելու համար անհրաժեշտ է խորացնել զորքերը դուրս բերել բոլոր գրավված շրջաններից, այդ թվում Հարավային Լիբանանից, վերսկսել ժնկի բանակցությունները, հասնել արդարացի խաղաղության պայմանագրի կնքմանը, ապահովելու Իսրայելի սահմանների անվտանգությունը, հարգելով Պաղեստինի արաբ ժողովրդի ազգային ինքնորոշման իրավունքները:

Աշխատանքային կոմիտեն որոշեց՝ սույն թվականի հունիսի 22—27 օրերին Պրա-

գայում գումարել Խաղաղության համաքրիստոնեական 5-րդ համաժողովը՝ «Առօրյա համերաշխության պատգամը—քրիստոնյաները խաղաղության, արդարության և ազատագրության համար» նշանաբանով: Համաժողովին հրավիրվելու են մինչև մայրցամաքների ավելի քան հարյուր երկրների եկեղեցիներից, կրոնական և միջազգային տարբեր կազմակերպություններից շուրջ 500 ներկայացուցիչներ, դիտորդներ, հյուրեր, լրագրողներ:

Ապրիլի 5-ին Ն. Ս. Պիմեն Պատրիարքի նախագահության ներքո տեղի ունեցավ պաշտոնական ճաշկերույթ՝ Աշխատանքային կոմիտեի նստաշրջանի մասնակիցների պատվին:

ԵՐԻՏԱՍԱՐԴԱՅ ՀԱՄԱԵՎՐՈՂԱԿԱՆ ՔՐԻՍՏՈՆԵԱԿԱՆ ԺՈՂՈՎ ՖՐԱՆՍԻԱՅՈՒՄ

Սույն թվականի մարտի 22—29 օրերին Ֆրանսիայի Մոնպելիե քաղաքի մոտակայքում գտնվող Գել գյուղում գումարվել է երիտասարդաց համաեվրոպական քրիստոնեական երկրորդ ժողովը, որին մասնակցել են Արևելյան և Արևմտյան Եվրոպայի 22 երկրներից և Լիբանանից ժամանած շուրջ 200 երիտասարդ պատվիրակներ:

Սույն ժողովին, որպես հայ եկեղեցու ներկայացուցիչ, իր մասնակցությունն է բերել նաև Ռուսաստանի և Նոր Նախիջևանի հայոց թեմի առաջնորդական փոխանորդ տ. Տիրան վարդապետ Կյուրեղյանը:

Ժողովի աշխատանքներն այնպես են կազմակերպված եղել, որ հնարավորություն է ընծայվել փորձի, ինֆորմացիայի և գաղափարների լայն փոխանակում կատարելու զանազան միջավայրերից ժամանած անհատների և խմբերի միջև: Այս նպատակի համար կազմված են եղել առանձին, այսպես ասած, **ընտանեկան խմբեր**, որոնք սալրում են մշակութային, քաղաքական ու սոցիալական նույն պայմաններում:

Ժողովը տեղի է ունեցել «փոխել և փոխվել» նշանաբանի տակ: Ժողովի մասնակիցները բաժանված են եղել աշխատանքային չորս խմբերի, որոնցում ըննարկվել է նաև հետևյալ հարցերը.

- ա. Խաղաղություն և զինաթափում.
 - բ. Տնտեսություն և արդարություն.
 - գ. Մարդկային իրավունքներ և մարդ լինելու իրավունքը.
 - դ. Ոգեկանություն և աշխարհականացում:
- Ժողովի վերջում միաձայնությամբ ընդունվել է հաստատվել է մի կոչ՝ ընդդեմ նեյտրոնային ռումբի: Սույն Կոչով Եվրոպայի երիտասարդ քրիստոնյաները նեյտրոնային ռումբի դեմ բողոքի իրենց ձայնն են միացրել այն քաղմաթիվ բողոքի ձայներից, որոնք այժմ լսվում են համայն աշխարհում:

Մարտի 26-ին ժողովի մասնակիցները միասնաբար նշել են Քրիստոսի սուրբ Հարության տոնը: Այդ առթիվ տեղի բողոքականաց եկեղեցում տեղի են ունեցել սրբազան արարողություններ: Նախ օրթոդոքս եկեղեցու ներկայացուցիչները, թվով տասներկու հոգի, կատարել են Էլումենիկ մի արարողություն, որի ընթացքում կատարվել են ընթերցվածներ ա. Գրքից և երգվել հոգևոր երգեր ֆրանսերեն, անգլերեն, ռուսերեն, գերմաներեն, ֆիններեն, արաբերեն և հայերեն լեզուներով: Ապա բողոքական եկեղեցու ներկայացուցիչները շարունակել են սուրբ Հարության տոնին նվիրված գաղական արարողությունը:

